

- 'Heccine', dixit, 'eras? Tune illa tremenda superbis
 Regibus et populis, Latii fortissima dextra,
 Italiae robur, furiosis ictibus umbo?
 Qualiter ergo iaces? Quali modo pulvere dormis?
 10 Unde tibi facies tam tristis et exterus horror
 Lumine, fronte, genis, labiis quoque, corpore toto?
 Nunc ubi priscus honos, ubi nunc color optimus olim,
 Dic, ubi nunc species, ubi flos, ubi gloria mundi?
 Terra, mare stupeant, elementa stupescite mundi,
 15 Pulvere strata iacet quia gloria Mediolani!
 Quis sapiens, demon, magus, incantator, aruspex,
 'Hoc ita', dixit, 'erit'? Set tu tot passa labores
 Et tantis subtracta malis casusque sinistri
 Conscia forte tui, ductus licet altus ab imis
 20 Suspiret sermone dolor, tamen incipe, queso,
 Dissere per causas quod sic miserabile miror'.

URBS.

- 'Nil mireris, homo, quia cuncta sub orbe iubentur
 Ordine factorum tandem labefacta perire.
 Quicquid Theba fuit, quicquid Troiana iuventus,
 25 Quicquid Roma potens, rota mendacissima stravit.
 Experienda fui fortune fraudibus iisdem.
 Sic cadet unda sequens venientque novissima tandem.
 Terra, mare stupeant, elementa stupescite mundi!
 Iam nichil est in eis nisi ventus, fumus et umbra.
 30 Quid cum fratre suo sibi iactet Cinthia tempus?
 Millia seclorum stragi dabit una dierum.
 Nil sibi iuris habet fluvialis machina mundi.
 Iam venit atra soror, repetat sua fata necesse est.
 Iam furit exactrix, iamdudum prodiga mundi
 35 Diripit orbis opes concessaque iura reposcit.
 Iam tremit hanc mundus, sua iam dispendia plorat,
 Se videt absummi putrefactaque membra perire.
 Iam dolor ascendit, gemitus suspirat acerbos,
 Iam prope singultus referens preludia mortis.
 40 Est etiam quedam dominarum follior omni
 Imperitans rebus et dictans iura caducis.
 Hec rota fortune est nimium levis atque rotunda,
 Et lasciva nimis, nimis uncta nimisque superba,
 Cursitat ad superos statimque recurrit ad imos,
- 11 'labiisque' Hs. 18 'casuque' Hs., 'casusque' verb. Roed. 21 'mi-
 rabile' Hs. 22 'urbe' verb. in 'orbe' Hs. 39 'singultus' Hs. 41 'Im-
 perans' Hs., danach ist von zweiter Hand 'et' eingeschoben.

15 Ecl. VII, 54 'Strata iacent'. 17 Aen. VII, 421 'tot . . . patiere
 labores'. 20 Aen. I, 209 'altum . . . dolorem'. 24 Aen. I, 467, 699
 'Troiana iuventus'. 32 Luc. Phars. I, 80 'Machina . . mundi'.